

定文武官职大小龙法赋。

寻龙要诀，先观太祖少宗。
下手真传，妙在真龙有穴。
有龙无穴，且看拙底巧裁。
有穴无龙，纵是妙中何用。
宾强主不对，终须作是虚花。
身贵朝有情，定是为官秀实。
贵星不足，十分只好五分。
贵龙有针，重论则为轻论。
左生右死，定知在任无终。
前畅后空，决主为官不禄。
星多传变，不如尖圆方秀三者为佳。
龙有断续，龙贵孟仲季 牵连为上。
火楼并耸，出列士以封侯。
座屏独高，断登坛而拜将。
阳星品列，产八位公卿。
禄位双尖，出王侯宰相。
御帘下贵人高耸，身近龙颜。
绣廉下伸手平坦，名登雁塔。
贵龙迭迭，为刺史高官。
宝塔巍巍，作王朝贵职。
布军阵起，断生将帅雄才。
七星龙列，定出公卿巨贵。
职星龙起，男为海上提刑。
霞帔星呈，女作皇宫后嫔。
风帘微动，还他一代文星，
月带宽横，亦主富资簿尉。
龙生蟠势。定知一举荣华，
对峙剑旗，必主三军行阵。
讲书星现，儿孙紫绶满朱门。
顿笏龙行，世代为官居县令。
顿枪独火，断为大将官军。
覆釜三金，定作府官贵职。

败旗左右见拖枪，终为劫贼。
皂纛两边如插剑，定出将军。
走马开弓，怀千里之智略。
宣威布阵，破东鲁之寒心。
战旗立起，武无敌而文亦全。
将坛独秀，战必胜而攻必取。
铜针撼样，断为官万里标名。
衣带飘飘，作事虚花不实乱。
乱蛇势落，定知镇压乡间，
伏虎雄威。必播声名州县。
卷旗龙起，定为巡简之官。
御带星呈，断出卿相之职。
展起红旗，世代为官不绝。
低呈黄帖，制买棺诰归来。
吨厨起库，出巨官而久长。
走马串珠，作大官而绵远。
火木并秀，出翰苑文宗。
木土带金，为乌台刺史。
水木星并行，定出史礼之贵。
土木火传变，必为史部之官。
龙身带剑，解元榜眼高登。
石笋冲天，宰相神童并孕。
土诰带石笋，乃侍郎尚书之职。
金水连迭帐，为知府参政之官，
倒地见贪狼，必是土官居省郡。
若是三金遇火土，断为兵刑之权官。
御屏三台连插汉，状元榜眼探花郎。
三台笔架耸楼台，断两出京都御史。
覆釜三金似月，定毓科道之官。
龙身带石清奇。号为封宪之职。
木火叠叠，必出宰相。
三木重重，知州知县。
五七火星高耸。决生宰相擎天。
三尖笔架无欹。定出儿孙刺史。

华盖三台兼玉蕊。职任朝官。
擎天四柱及文星，名登宰辅。
帘幕下贵人连插。定为六部太保之官。
金土重重无木火。乃出巨富陶朱之辈。
蛮土蛮金，定是愚顽之富，
头金头火，必瞎跛碓之人。
龙身带劫，为鬼为坛之所。
枝脚翻花，主出师巫之流。
过脉若遇有劫星，出僧道邪术之辈。
龙身缠护或东西。乃下贱带劫之龙。
一土又一土，富贵荣华之最妙。
一木又一木，孤独鳏寡监门速。
一金又一金，孤男寡女此中寻。
堆筑龙来，为积玉堆金，
覆釜龙来，乃盈仓满库。
玉带两边开凤翼，敌国富豪。
雀屏山下似龙盘，彻天声价。
卷帘形起，出小富而典钱。
覆釜低模，有大仓而积粟。
仙人耸起过仙桥，白日升天于紫府。
玉杖高停过玉钵，紫衣封赠于天王。
玉钵斜起，须知庙食于千年。
仙童孤峰，能炼灵丹之九转。
步罡龙起，必一家同上仙宫。
锡星呈双，必覆西归佛国。
龟头鹅颈，必然神庙之场。
蛇尾鱼腹，必作蛟潭之所。
龙蟠凤落，必为更鼓镇场。
挂幕垂帘，必作州官之美职。
如龟有阴，出人医卜妙如神。
死鳧无情，定主贼兵刀下死。
天罡孤曜，断主孤男寡女。
扫火披帘，断主出人淫荡。
牵牛金头木脚无救星，儿孙受难

木脚金头遇水宿，世代封侯
旗头 枪脚，先军贼后为官。
土畔木星似马，定出提刑典郡。
龙有貂婵秀丽，御封八座高官。
身上一座三台，位迁五县荣职。
兄弟联登，乃见贪狼叠帐。
儿孙执笏，盖缘三木奇尊。
腾腾宝盖势侵云，代代为官清政职。
插汉三峰似笔尖，人人白日定升天。
肥圆四金，满门儿孙受荫。
台星三座，定然久镇朝庭。
华盖两重，断必永居相府。
小富则三眉二月，
大魁乃四土五金。
欲知府职何来，月前三釜。
若问县官根底，阳下一阴。
巨富无官，贵人牵脚。
得道为仙星不正，
为官至老顶无欹。
屯军踏节有诰印，定出官班。
玉笏扑头有文星，状元及第。
巨富乃连仓带库，
清闲则孤笔奇峰。
扫荡覆箕，愚顽庸懒。
嵯峨破碎，做贼动瘟。
来龙孤露纏护低，有初无末。
过峡孤单护送无，儿孙贫尽。
座下若无真气脉朝送，空有万重山。
座下十分龙特起耸少，朝山至尊贵。
龙法赋尽，诀要心传。如得真机，匪人勿泄。